

峯泖去思集



832724

峯泖去思集序

山東東人



國朝



峯泖去思者何也郡士民思華亭呂侯劉君謙山也侯

宰華亭逾年去後民思其德乃以郡人士謳歌頌禱之

詞集而刊之而以侯卽事諸詩冠於首俾誦侯之詩如

見侯誦頌侯之詩如見侯之德之政也且也聞絃歌則

思侯之振興文教也疾梟匪則思侯之整頓團防也觀

城樓之巍煥也則思侯保聚之誠指潮汐之流通也則

思侯疏濬之功言保甲則思侯編聯之周也話詞訟則

思侯聽斷之明也而下車之崇文戢亂伸士氣而靖閭

序

一

閭者尤繫民思也然侯宰華亭也而茲集乃曰峯泖者何也侯雖宰一邑教化所及不止一邑也如婁也奉賢也金山也上海青浦也皆與環列乎九峯三泖間也德惠同沾謳思並永故不曰華亭而曰峯泖也世風日下民志日漓闔閭之間好爲議論長官不見譏於在位時者亦旣鮮矣矧去後耶誠罕覩也昔侯之卸篆江陰也彼都士民攀轅卧轍依戀之情見諸詩歌刊爲輿頌還我使君今日峯泖之去思不隱隱相符合耶聞侯之先有寄菴先生者仕山東東人服其德稱劉青天新城士

民繪治狀爲桓臺遺愛圖今侯之去江陰華亭也適與
之髣髴民情可見雖異地異時而無不同也何武居官
無赫赫名去後輒見思今於侯見之矣是集將付梓爰
書所以名集之義於簡端至侯仁心心仁政諸君已頌及
之不煩覼縷上海劉至喜玉延甫拜序



序

二

邑侯雲南劉君謙山余癸酉選拔同年也咸同間滇南
回夷叛亂君本生考太翁資政公毀家紓難倡辦保甲
團練以衛桑梓閱二十餘年百數十戰保障一方功德
甚鉅君束髮從戎昕夕追隨艱危備歷才識諳練蓋未
出山已宏經濟矣洎乎亂定乃棄去勲資折節讀書遂
膺選拔登賢書成進士以知縣卽用分發江蘇君鄉試
出吾郡陸莆生先生門下時先生已引疾歸里主講郡
之求忠書院丁亥始捐館舍以故君於丙丁之際數來
松江余時供職京師未相見也嗣聞受知大府擢授江
陰循聲遠播心竊慕之戊戌春讀禮家居適君移治吾
邑始獲相見則温然藹然有道君子也下車首崇文教
士論翕然俄值米價昂貴鄰邑亂民藉端滋衅奸人乘
間勾串外匪劫掠富室倉庾邑東北鄉村遽遭蔓延勢
甚紛擾君毅然以提中城守營弁兵親督馳捕駐兵於
車墩分防於華陽橋莘莊等處指緝首要外示嚴厲內
存寬恕終事未戮一人強暴畏威善良懷德婁上青各
邑之亂亦因以平定綏靖閭閻遐邇交頌旣而開辦平
糶奉金各邑紛來告糶君殫精調劑實惠均沾劉侯活

我異境同聲歲慶有秋民志乃定於是舉城垣水利諸
端次第經理郡東城樓坍塌倒有年垣堞殘缺建復修治
煥然一新濱江臨海潮汐易淤勸導督率疏通河港二
十餘處捍衛有資農商攸賴復以弭盜莫善於保甲禦
侮尤資於團練倡捐廉俸首創城團編聯保甲守望相
助邑固附郭同城而轄境則在黃浦江以南與奉金接
壤者居多村莊毘連汊港紛歧鹽梟帮匪出沒其間誘
賂譎詐顯爲民害君輒率防軍駕扁舟躬親緝捕數數
冒險卒獲其渠重懲而禁錮之各邑士民額手歡慶復

序

二

請於提督遴派舟師住泊亭湖宵小潛踪地方安謐惟
君實心實力有以致之居恒推誠接物時時延晤紳耆
虛衷詢訪故得周知利弊胥吏莫能欺而聽訟之明論
斷之公有口皆碑無思不服古人神君慈父之稱不是
過也先是君會紳士於亭湖顧泰雲明經以詩晉謁君
賜答之各邑士紳多有和章其後再集亭湖暨修城垣
濬水利編保甲辦團練君皆有詩示諸同事忠義豈弟
之心溢於言表倏逢瓜代郡人士共切借寇之思莫遂
留延之請持鞞截鐙情志依依或恭賀詩篇或採輯輿

頌錦箋之積多於束筍亦以德惠在民故謳思者衆余
已亥春服闋入都君以是年秋受代不克與諸父老祖
帳東郊賦詩送別良用歉仄頃家守初弟書來言郡人
士依戀之情並以是集寄示回首梓鄉緬懷棠蔭因略
述梗概序而歸之趣付手民俾他日採輯軒纂方志者
有所考據焉則是集之刻又不僅誌遺愛永去思已也
時光緒二十有六年春正月望後一日華亭宋承庠養
初氏謹序於京師宣武城南寓廬

序

三

峯泖去思集

華亭邑侯劉公名有光字謙山一字筱莊雲南甯州人同治癸酉科拔貢光緒丙子科帶補甲子科舉人丙戌科進士江蘇卽用知縣花翎三品銜候補直隸州特授常州府江陰縣調署松江府華亭縣事以戊戌春三月日蒞任己亥秋八月日卸篆在任年餘政通人和恩孚誠格澤被鄰封歌興孔邇爰集輿誦以誌去思謹首列侯詩數首如左

戊戌夏六月會集紳士於亭湖顧泰雲明經以詩

峯泖去思集

見貽依韻賦答並簡諸同事

劉邑侯

涼生雨後勝藏冰風定平湖水色澱遇事羣才期共集
匡時雅論喜親承鄉村但使萑苻靖城社休教狐鼠憑
耕鑿相安忘帝力家家同獻太平燈

再集亭湖卽事簡諸紳士

出郭理扁舟因風渡黃浦浦南景物繁雲樹攢煙戶沃
壤開原田川港紛莫數潮汐資灌溉夙夜恃吞吐多稼
慶有秋比屋足倉庾豆莢綠萌芽麥苗青帶雨隴首話
村翁牛背眠牧豎聲高鶴唳天沙明鷗聚羽欣欣各自

適冬晴氣和煦觀此情一怡流連憑仰俯江濶飛布帆
溪淺遲柔艣爰尋野王居再泊亭林渚近市人語喧繫
艇日過午招邀集羣賢言論傾肺腑嗟予忝臨民愧乏
理縣譖民氣喜醕樸民生多疾苦歲稔憂盜賊歲暮勤
防堵鄉村健兒多人人皆勇賈投耜執戈矛編聯儼隊
伍訓練使知方獎激斯奮武緬昔曾文正崛起湘江潞
首創白團軍電掃赤眉虜聲威壯山河事業邁今古蔚
然成中興勲名策

天府方今時勢艱中流誰砥柱

江海窟鯨鯢城社憑狐鼠大敵逼強鄰內患潛伏莽環

二

球數十國眈眈視若虎殷勤求又安宵旰勞

當六

屢下

聖明詔剴切頒寰宇富強貴同心同心利則

溥衆志可成城衆擎易支拄諸君濟時彥學術宗鄒魯

甲冑本詩書談兵揮玉塵願共展經綸謀猷衛鄉土保

甲有成法團丁堪禦侮聲勢互聯絡唇齒相依輔人心

仗忠義士氣憑鼓舞戢亂靖萑苻振旅張旗鼓下以保

閭閻上以慰

聖主前哲端可師勉旃力同努會當

觀厥成一笑酌春醕

城垣

松江府屬古揚州域三吳海疆重鎮也城周九里有奇華婁附郭各治其半垣堞殘缺東城披雲門樓圯尤甚詢之城守歷有年矣爰蠲廉俸修建之亦聊固吾圉云爾

東南屏障古揚州昔日披雲近斗牛聊復經營輸薄俸依然魏煥聳層樓翬飛畫棟臨江渚屹立崇墉鎮海陬保聚差欣吾圉固靡蕪青覆女墻頭

水利

農田賴水利尚矣濱江臨海之區潮汐尤資灌溉而沙泥積淤亦較甚焉疏濬之功不可不勤也咨訪喻導次第開通皆紳董督率業佃之力頌揚者乃歸美於有司不亦過乎

偶然出郭訪村翁爲問農田水利功夕汐朝潮資灌溉

峯泖去思集

三

長河短港貴疏通乘時荷鍤千夫集到處興工衆志同堪喜爾民勤稼穡秋成轉瞬慶年豐

保甲

變亂旣平梟散未已游兵會匪日復滋多來往無常頑橫靡忌爲地方之顯患實閭閻之隱憂安戢之方舍保甲奚恃乎守望相助端賴同心詩以勗之

亂餘梟散勢縱橫保衛編聯億兆情冊戶人丁頻檢點旗燈牌甲認分明比閭漫使藏奸宄制梃何難撻利兵守望相須泯畛域民安盜戢頌

昇平

團練

強鄰虎視伏莽鳴張時勢多艱綢繆匪易則團
練尤當務之急蓋非團則志不齊非練則膽不
壯選丁習武亦古者寓兵於農之意也同仇敵
愾自衛身家願共勉旃

鄉里兵農兩不分荷戈擊賊荷鋤耘居閒講藝知方久
播種躬耕習體勤處處集團期禦寇人人奮武自成軍
旌旗鼓角聲威壯忠義同心答 聖君

峯泖去思集

四

願賦遊仙寶意堪忠義同心答

聖君

蘇軾詩特皆習體勤處處集團期禦寇人人奮武自成軍

鄉里兵農兩不分荷戈擊賊荷鋤耘居閒講藝知方久

播種躬耕習體勤處處集團期禦寇人人奮武自成軍

旌旗鼓角聲威壯忠義同心答 聖君

邑侯劉公招同諸紳士會集亭湖賦呈

華亭顧鍾泰 泰雲

使君心比玉壺冰
涵得春申萬頃濶
天祿校書本家學
宣公奏議得師承
名書雁塔原非偶
績奏牛刀自足憑
爭喜坡仙亭志雨
茅檐夜話共挑燈

時苦旱公禱雨立應

亭湖謁見賦呈小詩蒙和佳章如承衣鉢謹兩疊

前韻奉呈

顧鍾泰

頭銜合署一條冰
心跡雙清比水濶
難得雲泥能略分
更欣矩矱獲親承
垂青最動生平感
保赤還從寸念憑

峯柳去思集

五

畢竟儒修堪保國
衙齋不負舊書燈

別具聰明淨雪冰
出山泉比在山澗
官箴早見公能飭
詩鉢何期我幸承
花縣日長官閣靜
松庭風透畫欄憑

亭林有古松相傳為宋時物

萬家供養同生佛
恍蕪蓮花座下燈

謙山公祖以亭湖卽事詩賜和顧泰雲明經並示

諸同人謹依韻賦呈

華亭顧烺奎 子振

朶雲下降句裁冰
海甸風清萬慮濶
駮駮駐亭湖勞下問
歌傳邵杜遠相承
宜民共仰誠能格
學道由來治可憑
讀罷新詩還倚枕
蕭疎竹影映吟燈

華亭孫家相 宅甫

不因人熱勵寒冰風格清華志慮激撫字經年邊告瘁

常平立法妙能承 時辦平糶 艱難時局同心濟休養閭閻寸

念憑更喜絃歌聲徧播推原治術一青燈 忍百

華亭張宗華

六房如水吏行冰懸鏡堂前萬象激辱示蒲鞭餘澤被

光分藜閣秘書承琴絃專壹原須改棋局紛更未足憑

時方議行新政 不少草堂知己感名場初地憶傳燈 公鄉試出吾郡陸甫

生先生門下

峯泖去思集

六

華亭張 騏 寄齋

家世簪纓詠伐冰臣心如水平清激恩能普徧人胥感

法尚嚴明眾善承循吏才猷原共見真儒事業總堪憑

茅檐親歷勤宣導警世真同暗室燈

華亭華文鍾 子懋

使君勵節若懷冰飲水清廉萬象激喜見黍苗沾澤渥

辱臨蓬藁賦筐承 亭湖謁見復蒙下顧 仁風扇物情皆愜靈雨祈

天效足憑何幸周行能示我好從藝苑得傳燈

華亭顧壽萱 子仁

臣心如水吏行冰
泚鏡圓渦映共激
仁粟千鍾窮巷祝
甘霖三日野農承
光生藜閣書能校
春滿花封治可憑
燕寢焚香詩一卷
依然有味對青燈

華亭徐超凡 雲裳

官銜清似一條冰

用句

攬轡還應志水激
賈誼治安期共

策少陵衣鉢信能承
鵷鴻得路頻相引
狐鼠臨城未許

憑難得河陽花徧發
春風常護佛龕燈

公政尙仁慈有萬家生佛之頌

舊署頭銜冷似冰
使君懷抱劇清激
艱難時局資經畫

奉賢郁文盛 隗甫

峯柳去思集

七

澹泊家風善繼承
心事焚香原可告
口碑載道自堪憑

耽吟不改書生舊
有味公餘一盞燈

朗徹壺中一片冰
故鄉問訊雅懷激
平生儒術期推擴

先哲良規賴繼承
市虎杯蛇難眩惑
城狐社鼠敢依憑

有秋且話桑麻樂
付與茅檐萬室燈

履霜誰解履堅冰
難得琴堂化理激
此日絃歌聲已徧

何時几杖許親承
登樓作賦思王粲
奪席談經仰戴憑

願與萬家共尸祝
光明長護佛前燈

奉賢奚萃光

虞臣

劉公謙山公祖大人以名進士來宰華亭本經術
爲治術儒林循吏萃於一身慈惠愛民政平訟理
神明豈弟早頌徧於九峯三泖間又工詩體察物
情理人情發爲吟詠與政治相表裏非特詩鉢之傳
取大足爲心香之奉頌者再集亭湖賦詩見示語關世
命奈局志切匡時忠愛之忱流露於楮墨間殆所謂杜
陵工部詩外更有事在乎謹依原韻賦呈

賦別黯消魂送君在南浦萬家供生佛香花滿蓬戶爲

峯泖去思集

九

頌使君賢未能更僕數鹽此一輪月三五清輝吐有如
桂粟多萬斛盈倉庾去歲開常平亢旱曾禱雨沾足歌
野老歡忭到童豎欲繪幽風圖莎雞方振羽灞橋詩太
冷黍谷春回煦時和年自豐事畜資仰俯爭喜使君來
煙外幾聲鶻微沈蟹輸稻忘機鷗拍渚物情各自得靜
對日旁午小集黃門祠清談沁肺腑玉篇愧家學何足
窺治譜側聞賢母賢助讀九熊苦鯁生同此味清燈映
環堵

先慈有青
燈課子圖

自願駑駘質追蹤勇難賈惟彼國士才

羞與噲等伍觸蠻奮戰爭勝之不爲武長劍氣如虹倚

天燭江滸誓欲埽欂櫨朝食滅醜虜折衝樽俎間今豈
異乎古藜燃天祿閣本是藏書府投筆笑班生文場作
砥柱學道斯愛人斷獄嗤磔鼠胸中羅甲兵內憂哉伏
莽詞壇飛將軍矯矯詩中虎憶昔宴瓊林筍班列

朝亡出宰有吾儒共庇仁人字緣飾貴經術美利無言
溥文字五千卷腸撐兼腹拄絃歌播雅化一邑小鄒魯
每許摳衣謁談笑時揮塵華亭古揚州禹貢詳厥土繕
修始有備莫或敢予侮牧令親民官士類有依輔謬荷
羊公知終慮鶴不舞河陽春自在願擊催花鼓峯泖若
有情與公爲賓主驪歌忽載道相期各力努五馬待重
來躋堂獻村醪

峯泖去思集

十

華亭吳維馨

抱珊

震澤溯揚州水利深泖浦江解總尾閘東南扼門戶人
事障狂瀾興廢更僕數魚鹽作沙鄉解稻寒芒吐財賦
重具區輸粟供 天庾富庶溢太和時若占陽雨口

禁遂通商遠客集販豎蠟穴鑿漏卮千金渺一羽柔遠
懷殊方梯航亦恩煦西域罪開邊旣往成仰俯鐵騎繞
關山樓船賽飛艖民教雜妖祠犬羊窟河渚使節日紛

馳軍書迫旁午樽俎費折衝治病隔肺腑嗟嗟度支司
乃作農桑譜吹齋欲懲糞創定思痛苦十室歎九空蕭
然如環堵猶賴此尊親血氣餘勇賈忠信堪甲冑井田
知什伍耀德許觀兵經軍方整武幾見中興勲名遜湘
淮許戰勝貴無形摧敵輕殺虜尺土皆黃金邱壑一今
古我愛劉使君釋褐登大府繁劇旣簿書功名期上柱
下車惜民食羅掘忍爵鼠團練拾人心痼習革草莽策
民共知方徒勇噬暴虎考上錄治平循聲動 當六

峯泖去思集

十一

志事竟成大局須措拄興國策自強士氣無愚魯酒肉
戾文章談笑供揮塵如何類沙蟲食毛並踐土君父本
家人外患釁內侮黃種四百兆同體憑願輔異學任壽
張焚屋忌酣舞五字倚長城投筆當旗鼓窮島走田橫
波停識 聖主相與其詔勉衆力猶堪努齒蜡紀風
詩曹參有醕醕

華亭華文鍾

子懋

偉哉春申君吳東鑿巨浦遺愛重千秋安居奠萬戶傍
浦峙葺城附郛邑堪數華亭古名勝佳氣鬱蔥吐物阜

民力豐積粟常滿庾代有賢使君隨車散膏雨迄今我
公來竹馬歡童豎公本名進士丹霄曾刷羽屈作百里
侯仁政如春煦案牘多餘閒汲古首再俯重有浦南役
歎乃一聲勝頭踏不聞喧扁舟過野渚容與水光中其
時適亭午碧影映玻璃瑩然清徹腑脫帽鶴相隨推蓬
琴可譜試望村農家窮冬尙勤苦男則誅茅龍和泥葺
敗堵女或停機絲抱布入市賈所欣隴畝青豆莢麥苗
伍此鄉風俗醕通文兼達武乃呼篙舵師繫纜泊西澗
爲言邑令來意在防寇虜團練衛閭閻兵法規前古既

峯泖去思集

十一

不聚於屯亦不出於府同治中興時三湘擊一柱赭匪
埽如蠅綠營藐若鼠從知健兒多強半生草莽崛起建
功名大人占變虎吁嗟今何時哀痛切 辰亡列強
視耽耽要求割土宇誰是仁者言而云其利溥卽今舉
團防恐亦不可挂所賴勇知方民風尙椎魯相期切實
行無事塵談塵席幾護桑梓大且保中土旣以靖內憂
復以扞外侮諸君宜勉旃儲器待公輔僕聞使君言足
蹈兼手舞清廉節可欽忠義氣頻鼓但願勁旅成涓埃

答

聖主敵愾與同仇金剛目共努何以勞使君聊

獻亭林賦

華亭孫家相宅甫

瑤章惠然來珠光耀合浦云是賢侯製絃歌達牖戶讀
之見真性民物心殷敷仁風境內揚奇氣胸中吐我邑
濱海隅夙號富廩庾木棉栽原隰秔稻插煙雨土產饒
魚鹽潮退聚童豎飼桑蠶成絲啄粟鷄振羽天機偶與
迎人意若同煦柴扉榜水開影蕩樹巔俯老漁善乘風
破浪挾飛艣鱸蒞網前溪蝦菜牽後渚舵尾菰飯香晨
炊日卓午鄉間勤紡織機聲沁脾腑衣被遐方周經緯

峯泖去思集

三

親手譜朝作夕未息男勞婦耐苦似此習俗醕奚煩罅
漏堵運會漸凌替通商集遠賈互市疆界鄰出入遂與
伍巨舶駛重洋瑰貨至接武游手好間輩閔動滿村澗
窄袖短襟裾梟性習夷虜更誤阿芙蓉羸瘦面目古雉
盧決孤注泉刀空藏府徒聞忌藥石祇益膠弦柱任情
趨腥羶貽譏笑碩鼠外來多強暴結黨潛草莽剽悍類
翔鷹袒褐可暴虎雪忿報睚眦莠民起依亡安得陽旭
升陰霾廓宙宇使君龔黃儔下車德澤溥奸宄先力鋤
良善自能拄寬猛傳公孫教養繼東魯幽燭若燃犀清

談快揮塵團防參昔賢保甲重守土藉以靖內變或亦
禦外侮吁嗟時勢艱大局誰支輔焚室酣飲宴漏舟恣
歌舞巍巍張尚書勸學特撾鼓謂南皮張制軍勸學篇迂哉一孔
儒先入竟爲主如公屈下僚皇路未遑努將何酬

循良躋堂獻清酌

朱運新

似石

儂本野人家家近春申浦比鄰時往還鯨人與蛋戶蓬
巷一小儒碌碌誰比數饑驅浪奔走壯懷未盡吐材本
非棟梁器僅儕斗庾側聞賢使君出山作霖雨文章資

峯泐去思集

十四

潤色勲業早建監鵬鴻事高飛豐滿見毛羽相期政優
優弗矜仁煦臨民寬濟猛感時仰復俯省耕亭林湖
一聲低唱舫桑麻徧郊原苻藻縈淺渚野老話農事自
朝每及午念彼衣襪襖亦足輸肺腑須知幽風圖卽是
治平譜海疆方多事兵革人厭苦守望互聲援家室自
安堵村莊集團丁餘勇率可賈十家編保甲五人斯爲
伍臨渴莫掘井農隙便講武公本滇南彥彈冠來江滸
出身唯致君所志在破虜經濟善因時循良頗近

古三載膺上考治績重大府容物滙衆流擎天賴一柱

願共埽強狼豈云嚇腐鼠獻琛來絕塞揭竿息草莽
見歐美洲畏蜀不如虎地球合弭兵 天威懾當亡

耕鑿安民生澄清慶海宇洵乎仁人言其利罔不溥官
方旣振刷時局永支拄嗟我廁閒曹稟性又樸魯不斬
樓蘭頭辜負清談塵行將遊 帝都藉以覘風土內

政果自強外敵誰敢侮星棋布神州磐石拱 畿輔

六合定指揮 九重應色舞言路敢越職雷門慙布

鼓區區草茅心庸足報 聖主臨行和公詩崇德力

同努後會知何時陶然醉村酌

峯泖去思集

十五

婁 沈致實 執青

天南燦文星光燭吳淞浦一麾萬里行江干寄門戶保
障攝華亭善政難窮數權衡適寬猛柔剛不茹吐民食
塞漏卮發棠籌剡庾疏淪察溝渠澤沛隨車雨沴戾憫
熒黎醜藥祛二豎連保衛閭閻鷓鴣鍛其羽雀鼠持廷
平秋肅含春煦甯一靖喧囂忼慨安仰俯自古民猶水
篙工順拖艫百里餘長才內修充鶴渚外患發樽桑首
禍始甲午貽患成剝膚接踵窺臍腑商戰非操矛借法
代調譜漸進與瓜分流言毒且苦富強不探源錐刀逐

阿堵古賤今翻貴世枰昌市賈莫展驅鱷威聊及貪狼
伍貧瘡徧中原內憂潛跬武樓船突兀來要挾水之滸
孰畫上兵謀氣燄熄狂虜取法湘團軍保甲章程古廿
省百萬師遠邁兵稱府我志獨成城蠹啄奈樑柱率土
有同仇掣肘泯首鼠戰勝在 朝廷捍衛仗草莽

玉音垂銜鳳金符迅馳虎捧檄披丹忱胼胝報

形

二繕完彈九區首領先海宇戴星巫馬賢詢謀洽公溥
都人懷公德羣策共搢拄不日竟全功大義明椎魯簡
閱勞驅車指揮謝家塵順則擊壤歌作息安樂土危者

峯泖去思集

十六

安之機警懼懲自侮有生血氣倫休戚相依輔宅中馭
四裔七旬干羽舞 聖武紀神謨程效應桴鼓摘詞
思惠人長吟酬賓主從茲唳鶴灘氣作長城努歸功公
不居躋堂晉村酌

張作楫

汝舟

吳中幾州郡吾松濱海浦首治古華亭林林十萬戶風
俗最純良他邑難比數休養百年餘和含而氣吐賦役
縱繁重踴躍供 天庾慨與滬境連漸染蠻雲雨習
尙趨奢淫游手到婦豎內匪起如蠶外盜添翼羽內外

陰勾連孽種滋育煦持刀晝橫行人人皆喘俯夕陽猶
銜山一葉駕兩鵬影射緝私名出沒荒江清縣官豈不
聞錢穀事旁午此患在腹心此恨入肺腑憶昔逃軍吳
徒黨廣通譜罪惡積纍纍一方被患苦會幸賢守來四

面嚴兜堵黑獄錮終身從此安工賈

謂陳蓉曙太守緝
禁土棍吳得裕

所恨一害除尚有魁盜伍弱肉乃強食到處逞桀武嘯
聚每成羣毒流張溪澗無事則奸民有事卽醜虜赤眉
與黃巾斯亂詎獨古弗摧虺成蛇征討勞幕府我公識
大體擒捕等破柱心膽裂強徒公眞能磔鼠環顧世茫
茫坦道盡榛莽當路習成風寬緩縱市虎自謂厚載福
祿位荷

當之詎知星星叢燎原延寰宇君不見粵

匪禍幾行省溥幸賴忠興臣大厦僅撐拄况今變益奇

異教惑愚曾當其行說時娓娓儼談塵倚勢欺我民借

端索我土中國本大度隱忍屢受侮人謂罪之魁半屬

庸宰輔我謂起釁由莠類中掀舞風影播浮譟驚然衆

興鼓一發收拾難憂憤貽 聖主平居言及此髮指

目欲努安得盡如公熙熙醉春酤

峯柳去思集

十七

雲間號澤國來源黃歇浦浦上民物繁攢簇十萬戶沿
鄉編保甲丁冊紛難數鱗鱗屋瓦排縷縷竈煙吐種棉
花打包穫稻米盈庾雉哺麥翻風蠶育桑帶兩年豐復
時和儻祭逐病豎餘梁南畝積哀鳴無鴻羽自從髮賊
亂殺戮變和煦聞警各奔逃事有憂仰俯陸走急行縈
水宿愁搖艣啼哭處處皆冤雲莽林渚 天子赫然
怒陽光正當午命將議出師王言傾肺腑曾公承命來
陰符理舊譜飭練三軍精分救萬民苦父老焚香迎環
觀如牆堵安謐到雞犬交易仍商賈八千楚子弟步伐

峯泖去思集

十八

嚴隊伍昆陽一戰功城濮三交武旌旗指吳會羽扇揮
江滸遂歌采芑詩六月埽醜虜事定已卅年民氣未復
古 朝廷急拊循分符到明府下車政令新草創初
立柱盜賊靖萑苻爭訟銷雀鼠大道自坦夷小心不鹵
莽守夜但卧龙渡河盡驅虎三年觀厥成藉以報
當亡奈逢敵國強眈目覷土宇欲使遠人服先教眾力
溥突起蒼頭軍同心共撐拄邊徼越防吳中原鄒閩魯
歷歷指陣圖談兵快揮塵保障有奇材衛此一方土老
罷當道卧么麼誰敢侮示誥頒煌煌聯絡依車輔親身

勤校閱技習項莊舞不投敗北戈共擊勇往鼓和戰彼
無權進退我能主可農亦可兵擊刺人爭努會當作凱
歌椎牛犒酒酌

奉賢郁文盛

隼甫

秋色橫空來相思渺極浦浮雲卷碧漢明鏡窺綺戶月
巨留公評應將汝南數肉食者多鄙有懷不思吐治績
邈襲黃風流歇鮑庾貽譏出山草辜負催詩雨庸庸吏
都俗碌碌儒眞豎持以比龍鳳瑣甚等鱗羽側聞使君
賢陽春藹和煦百里長材展一覽衆山俯因事集亭湖

峯泖去思集

九

蘭槩停雙鴈景物繪城郭雲煙寫洲渚英賢喜蒼萃案
牘謝旁午論詩得秘鑰瘵結窺臟腑就中獲賞音一曲
瑤琴譜公餘正多暇耽吟不辭苦五言工結構屹若長
城堵不愁偏師攻欲以餘勇賈異才期傑出差與噲等
伍方今時局艱修文難偃武後患隱消弭峯巔與泖滸
奮勉到齊民同心禦寇虜情詞極懇摯不懈及於古況
復胸襟朗豁然無城府虛堂早懸鏡鼓瑟恥膠柱離散
憫哀鴻貪殘懲碩鼠知欲衛芝蘭必先除榛莽風行更
雷厲吟龍而嘯虎讀書貴能用竭力報

朝亡鯁生

弄柔翰得託仁人宇私幸絃歌聞更欣利澤溥饑來驅
我走門戶難搆柱屢擬摳衣謁操術愧迂魯忽接遠水
鱗宛捉清談塵滄海不擇流泰山不讓土君子重氣誼
德人詎狎侮津津感知己說項疲頰輔應笑羊公鶴臨
風終不舞濫充齊廷筭竟布雷門鼓驪唱一朝發離愁
攪無主雙旌重蒞止延盼目應努相約躋公堂酌兕同
傾酌

奉賢朱家駒

昂若

長嘯激清風浩慨落申浦蜃市開東南猾寇滿庭戶異
服攢五方國幟不可數吳淞一灣水江海共吞吐北直
指津門南徼暨大庾迢迢七行省此焉會風雨嘉運閱
中興用師屬昏監古倭逞毒螫大地急書羽輪平傾巨
賞寬極邀嫗煦四鄰恣恫喝一一皆首俯歷險失輔車
濟川乏檣艣安能縱波濤聊可依瀨渚吾吳古名勝繁
盛自典午外患加內憂蘊毒深藏腑朝旨責長官
更張飭治譜守望循成法藥石愈疚苦潢池無盜弄比
屋幸安堵樂事興農功生理繁坐賈古來重寓兵蒐苗
整什伍兵民一以分脆弱垂強武于今况机樞伏莽滋

峯泖去思集

二

江潑綠營不成列白團堪埽虜試看湘淮軍近事非遠
古積勲繪凌煙巍巍建軍府老成去箕尾大厦需樑柱
利觜環連鷄當軸動首鼠瓜分譎赤縣恤緯憂草莽同
仇張國威在山警猛虎所賴賢有司宣勞答
亡撫字惠瘡痍保障奠區宇有勇且知方經綸儒吏溥
親民解如此危局賴措拄惟公命世才治行熒卓魯煩
劇理首治從容捉談塵去年米貴時恰已蒞斯土平糶
靖紛紜良善不遭侮口碑九峯間奚減漢三輔鯁生隔
縣邑聞風亦蹈舞居安不忘危豈必卧桴鼓三復公詩
去思勿辭醉芳酌

峯泖去思集

三

蕭丹忱期報

主異時建牙纛壯績麒麟努此間多

金山楊成樂

自生

巍巍古華亭渺渺黃歇浦鷄犬連千村桑麻稠萬戶濱
海富魚鹽繁區此焉數聖世澤如春和風民含吐

田賦甲東南

玉食供

天庾部屋樂有餘五十

調風雨猶見懷葛風熙熙婦與豎無端海水飛
命逆千羽詭謀逞豕蛇驕子仇嫗煦君民壟斷謀氣醜
支那俯巧械詫鬼神飛輪捷帆艫外患已如斯伏莽復

江渚禦人國之門佩刀日卓午倚遊慣鄉村鬪狼成肺
腑博鑿啟廣場化莠窮治譜顧此一歛噓蚩蚩何自苦
使君綰苻來密慮周環堵蒙治各欣欣士農與工賈舊
望天祿崇新政鄭僑伍儒烈執厥中鞭撲蠲健武琴韻
溢堂皇惠澤留江許有策更匡時制梃期撻虜講武力
殫今保甲法斟古激勵使同仇新詩抗樂府傳鈔徧四
鄉我歌一擊柱浩氣走神龍小言嗤腐鼠信哉豪傑士
崛起多榛莽果欲手屠鯨豈竟頭雄虎况今值時艱

至尊憂當亡女子解從戎槍忍伏衡宇四百兆人多

峯泖去思集

三十一

三百年

澤溥祇在心力齊大厦堪支柱蒙也處菰

蘆學淺質鈍魯力乏負戈及情慵撫松塵感公迫衛鄉
頌公勤守土顯戢匪披猖隱卻敵凌侮從此梓與桑葦
若車依輔民祝使君康蹲蹲作蠻舞更祝使君壽闐闐
擊村鼓康以衛鄉閭壽以輔君主壽康到期頤顛
生同目努歌此達微忱聊當兕稱酌

金山姚寅暉 賓谷

公治之西鄰有鄉曰胥浦東行不半里卽入公版戶兩
境相比連藏奸每難數去年渠棍徐毒酸肆吞吐設賭

恒於斯利傾人倉庾動輒生風波翻覆爲雲雨怒人面
肉橫毆人眉目豎勾結巢湖匪客主相黨羽一片陰靈
深不見陽春煦幸逢公下車明鏡能察俯潛趣舟師來
旌矛閃飛鷁若輩出不意窮追及遐渚一鼓已擒渠奚
煩札旁午禁錮終其身痼疾去肺腑謳歌鄰境流管絃
當時譜傾耳聽茅檐喜除此患苦從此客黨散四民重
安堵耕讀欣士農藝業樂工賈公德青天如公威神明
伍然未仰公文而僅欽公武昨奉顧子泰雲書新詩獲
滇潯五字劉長城雅歌祭征虜滿紙夏琳瑯音節俱入

峯泖去思集

三五

古聽之矜俗耳味之益智府行之合時宜必非膠瑟柱
以此賦皇華豈貽譏相鼠龐才非耒陽鸞棲非棘莽奈
何百里間屈此文中虎公謂官雖卑命總出

朝亡琴止鳴一堂心不忘六字况今時勢艱蓄慮貴周
溥舟漏儻衣砌室傾勉撐拄集益延名儒知方勗稚魯
小試先割雞清談鑿揮塵嗟爾林林儔於義皆踐土不
先弭內憂更難防外侮人曰公劉寵我曰公劉輔慷慨
言得失能使人起舞採納無遺材功兼收敗鼓會看不
次擢優眷邀聖主聞雞警越石先鞭早力努去思

永斯民攀轅餞清酌

己亥桂秋浦南顧泰雲明經郵寄

邑侯劉公亭湖卽事五古一篇並貽書曰劉侯吾
邑循吏亦騷壇健將期已及瓜行將卸篆曷弗吐
款以詠歌之頌公之德送公之行伏讀公詩格律
清道情詞悱惻眞仁人之言深得溫厚和平之旨
知其襟抱不凡與宦途俗吏相去萬萬矣爰擬七
言栢梁體一首仍步元韻樸樵無文藉寫去思而
已詩云乎哉

峯柳去思集

二四

華亭唐曾鏞 小村

吳淞遙滙黃歇浦壯哉東海之門戶帆檣雲集渺難數
朝潮夕汐互吞吐年年峯柳足倉庾麥穗含風稻花雨
好官臨蒞歡童豎一鶴追隨舞仙羽兩載鏤恩感和煦
送公之行首咸俯菊花間指舟搖舫小民鬪集華亭渚
攀轅魚貫趨衙午白叟黃童輸肺腑謂公學道風琴譜
謂公善體民疾苦謂公廉介絕阿堵謂公市廛衛商賈
團丁保甲整行伍寓兵於農共講武長夜守望巡河漕
從今可靖鹽梟虜治河水利能法古策宗賈讓上天府

金湯鞏固恍銅柱訟獄胥平清雀鼠仁政撫綏無鹵莽
化行爭傳河渡虎黃堂報稱酬 朝亡赤子誠求保

寰宇棠風黍雨其利溥海疆保障獨支拄樗材衰朽慚
愚魯喜聽詩話風揮塵嗟彼酷吏競懷土直將民命恣
狎侮公之經濟推良輔公之德澤咸歌舞騷壇唱和張
旗鼓公爲賓兮我爲主口碑載道爭先努菡鱸一味餞
芳酌

峯泐去思集

三

謙山公祖由澄江移治前京風教露養兩地頌聲
交相聞也復舉城垣水利保甲團練四大端分韻
賦詩貽邦人士爲國爲民之心躍躍紙上鼓舞
勉勗慮周意摯適將代去一時依韻和詩懷思抒
藻者甚衆競此一錢之贈羣興五袴之歌感激依
戀良有以也謹彙存若干篇分體編列於後華亭
姚瑩謹識

華亭教諭山陽何

綺
庚癸

天下英雄劉豫州深防蠻觸鬪蝸牛爲興版築成完堞

峯泖去思集

三

不許烽煙上敵樓峯泖由來稱地利金湯從此固城陬
臨淮壁壘旌旗壯一路聲援到石頭

振興學校媿文翁更濬河渠助歲功潤我田疇毋竭澤
譬人脈絡得周通中牟績懋成三異大地膏流被一同
農畝舟檣齊拜惠勝於張旣令新豐

年來世局亂雲橫遊勇奸梟各縱情編戶十家嚴守衛
懸堂一鏡仰廉明何虞禁盜仍爲盜可信成兵不養兵
保長無私羣奉法在心有秤早持平

瓜豆中原幾剖分我田豈舍與人耘兩河忠義同時發

十室團操列縣勤盪寇觀成湘楚勇背鬼制勝岳家軍
五葺安固同磐石仁愛周詳頌使君

婁 教諭宜興儲寶琛

晉三

五葺兀峙古名州分野占星說女牛北郭同欣完圮堞
東城重見煥譙樓九峯排列資屏障三泖灣環鎖溇陬
蠲俸獨推賢刺史頌聲傳徧水西頭

雅善吟詩亦放翁更將水利勸農功溝涂能使荒畦闢
川澮惟憑舊港通蘇白命隄無限意龔黃治邑本來同
盤中粒粒伊誰賜比戶從茲永告豐

峯柳去思集

三

選徒何必羨田橫保聚歡聯衆庶精牌甲認旗倍嚴整
戶丁按冊更分明家能設備方多備人自爲兵勝利兵
從此藏奸別無地四民安業樂 承平
從古兵農本不分聚時防禦散時耘團從隴畝身家近
功佐 朝廷守望勤早信耰鋤能卻敵無煩號召便
成軍閭閻保衛資儕伍萬衆齊心答 聖君

留松委員山西陳戴德

異績班班冠一州大才迎刃解全牛驅塵豈復容狐社
固圉先教繕雉樓生聚十年成上理恩威兩濟洽窮陬

卽今紫氣瞻關尹欲折梅花寄隴頭
獻芹聊學負暄翁爲話神君利濟功馬涉清江官渡好
鳧依淺渚畫船通惠從犀帶金錢出澤與鴻陂石堰同
豈止廉泉施一勺長宜濡沫慶時豐

力求綏輯靖豪橫驗到風從草偃情每益版圖勞覆育
常將鼓吹樂休明吏行善政成良法事不妨農亦寓兵
白叟黃童齊愛戴三時歌舞頌廉平

自古良苗與莠分嚴鋤非種勸耕耘感深衆志成城固
誼篤同袍用力勤未慮陸梁滋彼族自編義旅壯吾軍
四郊漸喜銷兵氣勉作循民報使君

峯渚去思集

三

華亭顧蓮 香遠

雙鳧飛鳥下 皇州溟海文星耀斗牛曾向澄江敷

治績竭來挂頰訪名樓心憐莒陋謀重閉目極蠻氛慎
海陬挹取廉泉營保衛衢歌巷祝話從頭

晉之彭澤漢文翁教養多資汲古功記氏農田書盡讀
班家溝洫志能通棠封勸稼村村喜部屋傳碑口口同
繪出承平佳氣象兩歧瑞麥告年豐

相公閣外桂枝橫 縣署舊有折桂閣
宋李忠定公生此 修月先饒詠月情

星迤入疆爲我福花栽滿縣照人明
梟屯澤靖萑苻警
鶴唳風清草木兵不盡農謳商忭意吟腸自笑角芒平
治譜疑從渤海分賣刀買犢務耕耘雷封報最兵農合
露冕行郊旦晚勤特起蒼頭成一旅本來白戰埽千軍
會看典郡雲間蒞童叟重迎舊使君

華亭張則華

葦舟

域紀東南第五州啟明星煥對牽牛何時重葺紆青堞
不日旋成聳翠樓分境宣猷瞻首邑修墉設險鎮遐陬
江陵保障麻堪嫵往蹟摩抄出石頭

峯柳去思集

三九

舉趾偕來田舍翁爲營車水課農功縱橫巨港流皆濬
廣狹支河壅盡通灌及千畦源注遠澗餘萬頃稼歌同
勞民勤相思君子人慶雍和歲慶豐

梟勇強梁兩肆橫亟宜詰慝慰輿情牌燈徧置重重整
戶口分編一一明忠信共持同甲冑比聯互保勝戈兵
城鄉罕有藏奸地道路咸遵頌

太平

蒐苗獮狩教攸分奚啻鄉村習耔耘臨事禦戎勞子弟
閒居力穡課辛勤團成漁獵皆爲伍練久鋤耰亦是軍

難得黎州來激勵前驅效命報

仁君

華亭朱賡堯

祝初

斯人爭願識荆州
挹注廉泉飲馬牛
草色舊迷殘粉堞
柝聲新上暮煙樓
清風鶴飼分餘俸
暇日鳩工過孟陬
保障海疆凡幾輩
讓公勲業出人頭

情深望歲笠
蓑翁疏淪分明繼
禹功鸚鵡粒餘香
稻熟鱸魚膾美晚潮通
邵膏郊雨涵濡徧
鄭國穿渠灌漑同
聽取民間口碑好
田禾處處頌綏豐

萑苻未靖匪縱橫
守望民聯指臂情
五黨相調意親睦
十家爲保法嚴明
已無漏網遁逃藪
並少潢池盜弄兵

峯柳去思集

三

不是使君訪查密
蒼生安得享

承平

馬上功名犢背分
半資捍衛半耕耘
執戈近應鄉團募
荷篠遙看野老勤
越石筋吹曾卻敵
順昌旗展便成軍
兵農合一民安堵
惆悵無從借寇君

華亭陳宗彝

仲英

橫江估舶逼歐州
破陣誰驅萬火牛
爲近鄰氛完莒壁
不勞民力復岑樓
辰峯拱北籠佳氣
申浦襟南接遠陬
言乞藉資邊圉固
一重鎖鑰謹吳頭

邵雨知時慰野翁
更籌水利惠農功
倉箱欲卜終年慶

溝洫還憑衆力通澤沛心田民脈暢權騰腹鼓衆情同
泥沙莫任淤潮汐利害攸關歲歉豐
兇頑未許肆梁橫良懦求安共此情守望但資鄰里助
聲威聊藉幟燈明剔除淵藪源清盜盜連結鄉村法寓兵
更借一籌崇教養方隅原與砥同平
道是兵農兩不分從戎畢竟舍耕耘團身何似團心固
練力還須練膽勤擊楫擬平三泖浪荷戈儼合五茸軍
漫嫌悍俗成桓起要略知方倚使君

華亭姚瑩 紫桓

峯泖去思集

三

民望頻聞頌豫州量移星野共牽牛化成清挹三江水
卧治高登百尺樓雉列崇墉勞版築鶴分餘俸被城陬
從知保障平生事不獨文章出一頭
師法聞知自放翁 公鄉試出吾鄉陸菴生先生房拊循先務重農功田
疇幸免三時害川澤眞教一氣通雨好隨車芄黍足風
和比舍芾棠同板輿親俸觴春酒寶婺輝騰兆歲豐 夫

人迎養在署今春祀八旬大慶

彌望禾麻被野橫重籌備豫恤民情儘看草竊從風靡
絕少村老吠月明土著編氓齊按堵家藏農器是精兵

一清伏莽無滋蔓果爾方隅若砥平
率土原無畛域分富強實效在耕耘時艱端賴同仇賦
農隙應知講武勤百堵泥封屯聚寨四郊樵唱凱旋軍
閭閻綏靖聽輿頌卧轍還思借寇君

華亭吳維馨 把珊

天下文章柳州一官版築駕鹽牛籌邊曾運陶公璧
作賦同登庾亮樓題柱勲名成衆志重門闢聽徧荒陬
峯屏泐鏡資環衛江海聲援控上頭

吳郡新詩說放翁禹書並亟歲時功瘵饑有頌來張聿

峯泐去思集

三

束緼何人喻劑通膏澤平涵三泐足廉泉分漑四郊同
飛芻挽粟尋常事龍躍雲津劍起豐

曾聞窮島走田橫守望還收什百情俗禁依稀存古禮
井廬無恙答承明周官遺制從師旅唐代分防重府兵
仁政自完鄉軌法屯邊猶得仿營平
鋤來非種要區分力穡何勞舍已耘兩字知方仁者勇
十年生聚故侯勤烽埃驛重榆關戍壁壘人思棘上軍
此去何人煩借寇羽書一紙乞劉君

華亭徐宗駒 萍舟

期年治績著吾州小試操刀喻解牛版築工成新莒壁
輿誦聲滿舊岑樓不因鶴警嚴關鍵未許狼氛逼海陬
歡聽萬家生佛祝去思碑泐九峯頭

循聲豈讓漢文翁次第治河不伐功泐鏡波流膏澤遠

濠梁水活政源通身勞勸相溝渠濬口衆成碑道路同

父母斯民歌孔邇福星普照稻梁豐

訟庭花落桂林橫縣署內舊有折桂閣衛護閭閻善用情役罷抽

丁琴解慍脾聯保甲鏡懸明政規豈必參安石酒德原

來勝步兵勗我鄉鄰同守望未然防範道持平

峯泐去思集

三

獮狩秋冬時自分半爲操練半耕耘十千分俸同袍切

首辦城團公一樣匡時補袞勤莫謂鄉愚難講藝誰知

捐俸倡率賢宰亦能軍三年有勇知方後歸美還當頌使君

華亭謝葆鈞 宰平

百雉圍環枕秀州絃歌小試解全牛而今治譜留花縣

自古籌邊重戍樓半壁披雲餘粉堞一年化雨潤荒陬

胡笳吹出霞標起王氣依然接石頭

琴堂雅化媿文翁疏濬隍渠展治功兩世風清明德遠

三江水碧上流通春深南浦甘棠蔭秋滿西疇我稼同

湖鏡波澄恩共沐去思遺愛樹碑豐
阡陌雲連屋舍橫編成戶冊協羣情更魚有警知霜肅
村犬無聲卧月明法密稽查威寓愛民謀生聚食兼兵
閭闔安堵萑苻靖寯母原來喜獄平
招募先將鶴俸分半教訓練半耕耘三年蒐典人思勇
兩字民生習在勤壁壘重開吳苑獵旌旗誰撼岳家軍
會看洗甲成功日手挽銀河仗使君

華亭華文鍾

子楙

循吏傳家說冀州奏刀十二善屠牛海疆勢壯憑危堞

峯泖去思集

四

譙鼓聲喧警敵樓修葺於今煩長吏觀瞻從此異荒陬
女牆指點新如畫爲有棲鸞在上頭
羣欽教化類文翁治水猶能紹禹功潮汐往來原不來
溝渠脈絡要相通一時畚揭經營亟四野籌車利賴同
師範官箴堪比擬瓣香也敬敬南豐
感時心慮困兼橫守望殷殷協衆情況有遺規參介甫
豈無實效著陽明果然桑梓能相衛不信萑苻敢弄兵
努力共酬賢宰意伧看梟散患先平

兵農豈必定區分冬狩何嘗廢夏耘按籍有時歸甲伍

服疇無事亦辛勤扶犁親率家人隊叱犢橫陳童子軍
多少英雄田野起相期屬望慰神君

華亭顧鴻逵 佩雲

愚誠深慰識荆州宰割刀真小試牛加惠救荒開義廩
蠲廉防患葺譙樓膏流遠近懷棠蔭勢壯東南靖海陬
龐士元才非百里五茸德政記從頭

殷勤撫字媿文翁爲勸農桑屢課功藝畝工教溝洫濬
灌田聲喜桔槔通水紆隴畔羣心慰碑泐田間衆口同
流得恩波資挹注高原下隰盡年豐

峯泖去思集

姜

訟庭花落玉琴橫安堵無虞慰衆情法異抽丁資捍衛
令申保甲講分明論文腹裕三千卷議武胷藏十萬兵
從此鄉民相守望閭閻靜謐政均平
緯武經文兩不分論兵之暇論耕耘感君未雨綢繆切
使我聞風演習勤誨得五茸都向義團成一氣自能軍
犁鋤揮罷戈矛擁慨詠同袍答使君

華亭張際清 定生

管領東瀛第一州烹鮮才裕奏刀牛期年化洽空囹圄
萬戶風清靖鼓樓身教近推從邑境口碑廣播到遐陬

春江翦水聊供飲無事山陰選杖頭
善政流傳話野翁修城治水策全功
清臬飭甲城鄉靖
弭盜資團道路通自是漸摩成俗易
相期樂利與民同
攀轅借寇愁無術再至猶如望歲豐

公餘卷帙擁縱橫不改儒風早歲情
待士心常存愛護
催科政豈尙嚴明文翁治蜀宣經學
龔遂臨齊化甲兵
更喜下情勤採納無遺藪菲仰衡平
名宦從頭細剖分當年爲政比農耘
崇祠太僕開民利
循吏張公蒞事勤往哲曾經敷舊德
後車端合殿前軍

峯柳去思集

三

蒲鞭示辱存忠厚世澤綿長頌使君

華亭張宗華

使君生長自甯州具有清才勝跨牛
直欲萬間開廣廈
豈徒百尺拓高樓誥除奸暴遵成憲
逆聽風聲徧遠陬
一片丹心期報國不殊葵向日當頭
從容布化嫗文翁教養羣推第一功
敷政能將仁術廣
禱天惟仗至誠通發棠有粟窮黎活
載道皆碑異口同
知否鰥生依宇下瓣香久願蕙南豐

案頭祇有一琴橫異彼紛紛俗吏情
兩世青天公不愧

十分秋月印常明代傳治譜承家法旋築詩壇按酒兵
藹藹棠陰披拂處離懷無限暮雲平

珍重流光惜寸分性禾善米費耕耘一生才具猷爲守
三字官箴清慎勤循吏儒林堪合傳持靴截鎧擁前軍
會看五馬重來早歡笑兒童迎使君

華亭徐文藻

名場初地識荊州寶氣豐城燭女牛品藻八龍堪並轡
文章五鳳獨成樓瑯書曾與讐天祿墨綬從容宰海陬
忝握硯碓逢卞氏一經拂拭出人頭

峯泖去思集

三

循聲藉藉煥文翁早向澄江著偉功作吏洵堪儕四長
讀書豈止在三通披圖佛定千絲繡載道碑聽衆口同
從此澤遺神父遠常欣人壽並年豐

下車峯泖一琴橫仙吏原無俗吏情風暖春山花盡放
月澄秋宇鏡同明興修水利兼城堞編集丁男練甲兵
露冕宣勞纔一載商歌農忭樂承平

阮公青眼幸曾分最重書田刻苦耘自愧非才蒙首拔
更承藻訓感心勤欲窺學海驚千丈共仰詞壇掃萬軍
今日程門容立雪嚴師欣獲拜慈君

婁 龔源達 鰲峯

治行劉寬重一州政如迎刃解全牛觀風徧歷王喬烏

嘯月同登庾亮樓難理亂繩如渤海更傳景教自蠻陬

宰官祇有鳴琴化膏雨春來潤陌頭

漢家循吏首文翁比戶咸蒙教化功鞏固金湯塘更屹

高低渠堰水常通呂坤保甲稽巡密魏勝鄉兵訓練同

况復飢民嗟食匱開倉徧賑萬家豐

雲間勝地柳峯橫古有循良洽眾情惟一重文興學校

顧翁聽訟號神明 宋名宦劉公惟一又劉俛 使君洽譜

字顧翁治績詳郡邑志

宗家法曩日偏隅苦寇兵教養卅年終未復公來民始

樂安平

乍聞召父袂將分四野農夫共釋耘河內寇恂民欲借

益州張詠政常勤去思碑勒棠垂蔭留別詩成筆掃軍

祇合廉泉斟一勺谷陽門外饑神君

大才盤鬱海南州治道精參悟解牛暇日勤翻花縣譜

清風好挹稻孫樓胸懸金鏡窮千態手握銅符控四陬

聞說澄江諸父老斜陽策馬盼回頭

雙 張 蘊 象山

化民不讓蜀文翁出宰先徵學道功峻節九峯高可並
恩波三泖遠能通平反決獄親心慰風雅鳴琴樂事同
清德如君涵育厚故應兆協歲時豐

修葺崇墉雉堞橫成城况合衆人情叔敖灌野膏腴編
鄭國通渠界畫明鶴俸頻分矜物力狼煙隱埽練鄉兵
棠陰蔽舍留遺愛化盡爭端雀鼠平

一載仁風四野分春知耕植夏知耘攀轅未獲輸忱悃
留犢猶堪式儉勤胥浦今懷慈父教暨陽首壯義兒軍
去思欲向豐碑寫敬熱心香祝寇君

峯泖去思集

三

婁 沈致實 執青

茸城海角控神州不藉長隄鎮鐵牛千里西馳來劫火

卅年東顧廢凋樓

變亂後城垣坍塌失修已久

廉泉慨挹昆池灑古

戍重完歇浦陬留得使君棠蔭在披雲愛日永當頭

披雲

東城門名

欣欣頌禱徧田翁傳說清官郵苦功召父治渠公利溥
坡仙行野下忱通緩深急淺均先後役力輸資泯異同
留得使君棠蔭在南陽流澤蓋藏豐

孰消外侮號連橫彈邑先須靖內情百里犬牙紛錯甚

萬家鱗冊覈稽明苗中別莠祛非種勇使知方寓勝兵
留得使君棠蔭在同心禦患副承平

裁兵額少勢猶分合衆何煩舍已耘七邑首先殷督率
千夫力協見精勤聲威已懾萑苻藪教練能成虎豹軍
留得使君棠蔭在好憑義勇戴仁君

婁韓文衡半池

來宰雲間第一州春深綠野徧耕牛使君首布勸農政
治行高同清德樓晝日垂簾安劇邑歲時保障重巖陬
扁舟每向申江泊長沛恩波古渡頭

峯泖去思集

四

名宦遙追劉顧翁君家曾著五茸功譜傳理縣仁重見
書著諭蒙政久通張詠桑田雲覆徧召公棠舍蔭垂同
自從膏雨隨車後海甸窮黎慶歲豐

政堂日日宓琴橫簡惠成能順衆情淤港水疏秋稼潤
仡墉金固夕陽明李崇防盜樓懸鼓鄭畋衛民鄉練兵
更聽絃歌聲比戶文翁治化樂寬平

期年風教莠良分求治從無滅裂耘民情寇恟移任去
公如安世在官勤心清今日惟盟水材鉅他年定撫軍
卧轍攀轅留未得泖峯秋淨送神君

雲間勝郡拱... 皇州分野星光屬女牛天亂華戎開
海禁地濱江浦輯城樓安危是繫厯良牧懷畏交輸控
遠陬形勢他年徵鞏固敢忘德惠溯從頭
問雨占晴田舍翁全憑人力補天功農桑並重原當務
耕鑿相因事貴通籌祝年年欣有慶衢歌處處樂從同
自來賢宰興民利魚夢維圓兆屢豐
盜徒充斥慨強橫防堵先教慰衆情到處燈牌勤檢點
連村旗幟映鮮明謀殷守望聯丁壯氣奪奸梟勝甲兵

峯泖去思集

四

保赤爲懷賢父母咸欣寇患一方平
振旆居然戰陣分論兵最善寓耕耘執戈勢集丁男壯
擊柝聲聞乙夜勤無事等閒勤力作計時號召卽成軍
方今宵旰憂勞甚鼓舞民心上報

金山孫式金 夢樵

贏得賢侯蒞此州家家賣劍買耕牛爲分鶴俸完殘堞
不惜鳩工拓戍樓碑口爭鐫新壁壘柝聲重壯舊城陬
欲知吾國憑誰固姓氏流傳在上頭
風雅居官似醉翁亟籌地利與農功志詳溝洫先疏鑿

書補河渠妙變通水旱灾禱均可免高卑收穫總相同
若非良吏勤民事焉得家家慶歲豐

冊籍編成卷帙橫分牌聯甲順人情城鄉形勢從今識
戶口添增悉數明聽斷得情堪息訟從容鎮物勝談兵
公餘更復饒風雅興到成詩頌

足兵足食本無分講武還將勸耔耘欲爲蒼生謀得所
視如赤子課功勤同心協力堪觀德有勇知方可作軍
善教卽戎師古法相期努力報

仁君
青浦陸有宣

峯柳去思集

三

治譜新翻古秀州

華亭古屬秀州

恢恢游刃解金牛機茸此日

留鳧舄椽筆當年造鳳樓千載淵源敦道誼

君鄉試卷出先君子

房萬家霖雨頌遐陬峯屏柳鏡相輝映豈獨文章出一

頭

利弊殷勤訪野翁偉哉疏瀹奏全功原田灌溉恩波遠
保甲編聯古戍通講武襄疆民可用勸農渤海政相同
偏隅何幸來賢宰感召祥和慶歲豐

大雲出岫自縱橫潤物無私慰衆情兩代青天繩步武

一泓碧水證清明

君伯祖仕山東民稱劉青天君父仕閩民稱小劉青天君自江陰移權華

亭勤慎清廉克紹世德青
天之稱早已頌徧棠封矣
觴稱華縣推賢令饌薦櫻廚
勝步兵今春太夫人壽誕都人士躋堂者甚眾君時時延紳士咨訪利弊設饌留賓不讓孔北海高朋滿
贏得清風雙袖滿祇携廉石壓舟平

荏苒瓜期祛欲分紛紛別感亂難耘硯山鑄石高風繼

君念師誼爲先去冬今春君兩詣先墓致祭舊侶
君子立神道碑崧浦陳芻至意勤

自慚徐孺子新詩今見鮑參軍驪歌載道雙旌動躑躅

無緣借寇君

華亭錢同壽馥初

一寸垣墉一寸功神君心事萬民中九峯雲氣朝籠北

峯泖去思集

三

歇浦潮聲夜響東此職真無慚保障有人早已頌佳蔥

而今濱海成雄鎮境內聲聲借寇同

寸寸膏腴厚澤涵胥鄉灌溉徧東南民愚也識鄭渠利

官久方知滁水甘一掬湘江同飲碧半奩迎鏡盡拖藍

細侯此去黃河潤循吏儒林兩不慚

前人良法後人行從此荏苒苒一律平來暮共憐廉蜀郡

告奸應薄趙京卿不煩比巷驚桴鼓毋許潢池弄甲兵

敢負好官咨傲意綢繆深處倍關情

愛我蒼黎衛我深綢繆須迨未天陰軍無勝算憑忠憤

士並知方勵勇沈練技練兵兼練膽同鄉同里更同心
閭閻幸沐栽培厚好把公言作座箴

華亭顧鴻達

劇邑繁區治最難雍雍相濟猛和寬興仁講讓羣情洽
除暴安良衆志歡已屆瓜期情悵惘孔懷棠澤思彌漫
扁舟一葉携琴鶴載道驅歌頌好官

張錫讓

息菴

閩苑仙才學最深茸城榮戟幸遙臨愛民爲設陳公鏡
奏化無慚宓子琴浦水絃歌常被教雲間桃李自成陰

峯泖去思集

四

公餘更把農經讀水利重興澤到今
文教旣興武事精韜鈴素讀矢忠誠比閭略取周官制
都試頻師漢代兵濱海萬民資保障屏江百堞固危城
於今此去鵬程大定有經猷答

聖明

雙

姚膺福

詠裳

情殷望歲頌清平父老咸欽守令名報國保民原有術
詰奸禁暴務求精經綸大展羣情協好惡惟公一鏡明
學古入官遺訓在賢良稱最重蒼生

我侯作宰甫經年屈指瓜期意惘然黎庶未伸烏鳥悵

詩人忍賦白駒篇思何善政談當日借寇私衷額上天
父老臨歧爭祖餞謳歌僉曰大夫賢

敬次亭湖和韻

周曰庠

宦情眞覺冷於冰此去扁舟逐水激仙吏勳名垂不朽
家風清白久相承僅攜片石三生契未遂初衣一笑憑
握別依依南浦地暮烟四起點漁燈
計時祖道未藏冰秋老征途萬象激此日去思齊惜別
他年殊渥喜新承花封合看河陽秀棠舍應思召伯悲
但願雙旌重蒞治共談風月別書燈

峯泖去思集

望

華亭錢應選 小齋

城垣巍煥賴重修又見披雲聳敵樓高望靡蕪青覆處
好借棠樹蔭千秋

水利平分歇浦流農資灌溉慶秋收方歌活我劉公至
可奈將行挽不留
保甲能安百里區翦除奸宄化穿窬罪人也惜劉寬去
從此無人鞭用蒲

團練無分農與兵臨歧鞶鼓壯行旌尙文原是絃歌宰

詩帶承平雅頌聲

熙臺其上戴堯天
化理臻臻任自然
其慶使君能受福
恩綸捧到五雲邊

无咎從來守括囊
况行險路勝羊腸
我生幸似簾前燕
穩託帡幪傍畫樑

爲擘花箋附綺雲
書齋手自檢香熏
只慚文筆雕蟲陋
難寫賢侯撫字勤

判餘吏牘束成行
飼鶴調琴亦自忙
不厭巴詞聊屬和
行旌翹首思茫茫

峯泖去思集

吳

上海劉至澤 愷之

桂花香裡動行旌
萬戶同深惜別情
太息攀轅情莫遂
獨留惠政澤蒼生

前京城郭峙千秋
斷堞殘垣劫後留
鶴俸慨分資補轄
金湯永固壯南州

農田水利細搜求
旱澇從茲絕少憂
轉盼秋風歌樂歲
使君活我共呼劉

頻年宵小勢縱橫
捍衛端資輯衆情
比戶同心嚴守望
村巷不吠靜無聲

內憂外侮亦堪虞有勇知方教比閭負耒農夫成勁旅
同袍齊詠效前驅
勞心撫字及瓜期善政流風播異時生佛萬家同鑄像
五茸留得去思碑

上海徐元章 蔚伯

堪羨滇南劉使君文章經濟兩超羣期年布化謳歌起
比似風聲處處聞

鄉兵團練壯軍容櫛比鱗排滿五茸一紙書勝十部將
匪徒梟散盡潛蹤

峯泖去思集

七

雪中留爪歎飛鴻一載甄陶仰化工此去澄江重問俗
河陽滿縣看花紅

自慚無術挽行旌賸有葵心向日傾共祝一麾臨歇浦
歡騰竹馬喜重迎

華亭吳光綬 仲石

兀兀五茸城歲久漸傾圯壯哉百雉新守禦乃可恃
水利利歸農疏濬功不淺秋風秋雨多飢溺今可免
保甲能防盜盜亦分良莠不疑多平反以慰眾母母
團練賦同袍幸有使君勗以此助軍威好唱凱旋曲

自古循良吏半出州縣牧爲其與民親疾苦胥擊目一
官雖小試百姓休戚卜治術苟未明匙不譏覆餗卓哉
劉使君學養宿儒宿捧檄蒞五茸造我蒼生福客歲拯
米荒德澤人人沐艱難歷百端不憚仔肩獨琴暇巡城
垣堵雉半傾覆侯乃憑軾歎是宜亟興築慨焉鶴俸捐
不日鳩土木氣象煥一新保障鞏泖谷泖谷饒水利侯
也籌之熟農隙召農民次第疏淤蓄畚鍤來如雲趨之
恐不速卽今潮與汐灌溉盈溝瀆忠靖未竟功侯其庶

峯泖去思集

吳

幾復侯曰猶未也良安務去毒蔓草毋使滋奸宄毋使
伏莫如嚴保甲令出秋霜肅譬若臂使指節節相聯屬
月明無犬吠且使閭閻睦側身憂時艱異端紛角逐綱
繆於未雨武備宜習服城鄉各爲團資之以廩粟矧乃
推赤心置諸萬民腹有事作干城無事播百穀寓兵於
農田偉略展杼柚設施類如此數焉難更僕嘻嗟五茸
民方賴侯陶淑豈期瓜期屆共欲攀轅轂攀轅志莫遂
口碑人能讀載言侯德崇九峰巍然矗載言侯澤深三
泖淼衍澳三泖有迴波九峰有旋軸寇君尙重來敢爲

斯民祝

華亭廖傳書

鳳閣

公前宰澄江聞頌劉青天今來蒞斯邑愷澤沐經年憶昔風俗偷宵小咸紛然自公仁政行示辱用蒲鞭萬姓皆歡躍有聲聞管絃商賈樂其業農人田其田前年饑饉告黎庶苦顛連已飢與已溺身爲天下先發棠賑飢粟德惠尤緜縣關心問民瘼立法中不偏舉善教不能藻鑿分媿妍梗頑未盡化桀黠相蔓延民兵自足用補救有機權怡然斂猖獗四境賴以全欣欣各得所歌頌

峯泖去思集

完

碑口鐫忽忽瓜期及江上旌旗蹙欲效投轄誠此意常拳拳車轂不可攀詩詠白駒篇明月固難留陽春尙可旋展讀循吏傳功業追前賢

婁不倪字梁

笛沅

茸城屹屹過百雉敗堞頽垣如缺齒高樓傾圯城之東縱橫舊礮埋泥中使君怪焉問城守歷官已多年已久葺而新之不日成不用公帑不蠲氓噫嘻公之德比城堅公之名並城全頻分鶴俸挹廉泉豈同俗吏問舍而

求田

民無食不能生田無水不可耕宰官但解催科事何心
更讀溝洫志侯君下車來疏淪除農災經營不敢辭勞
苦但願豐年民歌舞愚民不解君之恩秋冬報賽謝田
祖

防奸無論城與鄉周官保甲法最良一從此令弛不張
盜賊白日猶披猖邇來各省編戶口門牌赫赫懸門首
探囊拏篋仍紛紛劫人勒贖時有聞吁嗟乎莫以無功
咎保甲古有治人無治法願借寇恂更一年吾鄉或可
高枕眠

峯泖去思集

五

團練之名始齊梁後人用之防其鄉昔年髮逆肆猖獗
招募民勇推湖湘去年使君集勁卒百中選一一當十
定期操演賞罰公書生綽有大將風君不見我我武弁
騎花驄雀翎耀日頂珠紅兵糧入橐兵額缺積弊無人
敢搜抉武臣要命更要錢安得如我使君賢

婁

姚肇瀛

松泉

劉侯去歲蒞我邦政通人和治無雙民識力田羣買犢
夜不閉戶息吠羗維時盛夏氣炎熯海上奸商潛運粟
紛紛告糴齋寇糧七邑人憂食不足食不足兮米如珠

哀鴻徧野口難餬歲不爲災商作蠹侯時四顧長嗟吁
解推之惠嗟煦煦平糶法行拯號誨貧民刼食長刁風
莠者懲之良者護自夏徂秋肇畫周野無餓孝民優游
至今謳歌滿郊野僉曰活我惟劉侯光陰荏苒倏逾載
七月乍過及瓜代父老攀轅志莫償儀松堂誌甘棠愛
侯之慮事握其原頽然一角指城垣勇夫重閉况於國
獨頒鶴俸固吾樊侯之重農思其義灌輸全在興水利
胥浦以南心力殫田少汙萊民不匱曠觀時勢念艱難
思患預防倡義團寓兵於農仍古制但期比戶底于安
變亂初平民復業鄉閭猶慮匪徒脅守望相助勉愚民
安戩之方重保甲凡茲美政不勝書願侯久任民力紓
惆悵寇君不可借小詩贈別攬侯祛

峯泖去思集

五

謙山先生公祖大人見示原唱七律四章明教勸
之術有純一之德政以禮成化行里邑孚以誠意
風以詩書志動於中而形於言則夫誦美有章非
苟尚辭而已此邦之人懷而慕思見乎文墨記之
丹青走雖不敏揮翰奮藻專幽厥旨謹再譜沁園
春詞闕用垂頌聲
吳維馨

有使君兮後映前輝寶茲合名幸三吳移牧碑題谷水
萬家廉讓波渥昆明江上青天袖中詩本樂歲中含雅
頌聲還應記是劉寬蒲葦駕母營羹 年年考錄陽城

峯泖去思集

至

况第一河南上治平看揚州方域道經溝洫周官師旅
農盡知兵義粟成倉發棠施令辛苦窮閭乞糴盟須知
道合儒林循吏霖雨蒼生

松隱顧君泰雲以華亭劉侯亭湖卽事暨城垣水利保甲團練諸詩寄示 鏞 不爛吟詠未有以應也侯今行有日矣其眷眷於民生國計之大與郡士大夫唱酬之雅及平日得諸見聞有足爲侯述者讀是詩未能以默默焉侯籍滇南以名進士出宰江陰旋調權華亭蒞任周期政事咸理去夏米貴貧民乏食往往掠富室侯爲發倉平糶親蒞南北鄉鎮撫之嚴治首事者數人地方

峯泖去思集

三

平靖民情以安南鄉多賭徒潛招匪類侯簡精壯會營逐捕應時解散賭風遂衰其修城濬河嚴查保甲精練團丁侯詩已紀之而籌費設防量功均役則尤眷眷於民生平國計之大良吏之所爲盡心以貽吾郡民者也 鏞 竊惟今之法制不必盡合於古能行古人之意則亦

可以愛古人者愛之已攷周禮司徒之職立比閭塾黨使民相保受爲伍兩卒旅以備軍旅追胥後世保甲團練之法實其遺意而匠人溝洫畝澮之利至列專官春官宗伯以大役之禮任衆說者謂築城鑿池之役皆任

民之力爲之則古人眷眷於民生而爲國大計者至纖至悉良法美意侯固師而行之民之懷思久而彌永黍苗之懷召公周京之思郇伯一則叙其營城疏泉之功一則溯其四國勞來之美其因事宣勞爲上爲德爲下爲民有沒世不能忘者大學傳曰君子賢其賢而親其親小人樂其樂而利其利以樂利遺民誠有不能忘者矣今之縣令宰百里之地當古之諸侯則所以奉行成法者不可不師其意焉觀於侯之設施保甲也團練也城垣也水利也 朝廷願其法侯竭其誠於古人爲上

峯泖去思集

善

爲下之意無不盡合則吾民之愛侯不當如周人之愛召公郇伯哉侯意度從容政刑清簡民樂不擾平時喜與郡之賢士大夫遊以得周知民間利弊吏胥不敢欺公餘之暇發爲歌詠與郡人士相酬和其雅量高致亦有足多者於其行也不可不書以志去思之愛焉並以質之顧君泰雲當以其言爲不虛也時在光緒二十五年秋九月朔後一日敬書

邑侯劉公德政序

華亭楊士彬

碧珊

孝者所以事君也古者求忠臣於孝子之門大而公卿
無論矣卽爲郡邑宰任一方爲衆母雍雍乎治臻上理
者往往自能事其親始漢雋不疑每行縣還其母輒問
有所平反活幾何人隋鄭善果爲魯郡太守每出聽治
母必察其剖斷合理與否夫兩人之母誠賢矣而能遵
母教以施諸政事則循良之績不更異於他人哉若我
邑侯謙山劉公者有可稱已公學行兼邃明允篤誠起
家科甲出官江左循吏聲一日千里顧公平日之事

峯泖去思集

卷五

太夫人也尤以孝聞往歲來宰吾邑板輿迎養晨夕定
省明歲爲太夫人八秩大慶邑士民以祝公者進祝
慈壽咸曰我使君有賢母也公在官於地方利弊無
不興革泖谷繁庶之區蒸蒸日上熙皞之規焉人第知刑
政清簡風化純美以爲公之治行有古良吏風而不知
其秉諸太夫人教者居多也自古惟純孝足以感人
詩云孝子不匱永錫爾類推公之孝思卽異時建牙纛
秉鈞衡以一身兼天下國家之大胥不外此卽此牛刀
小試而經綸幹濟之根於天性已可概見獨惜公之遽

去也然公雖去而公之順其親以及其民者邑之人蓋未嘗一日忘故於公之將行謹述公之所以治吾邑者纔逾一載而眾口之碑載於道路有莫之致而致者非素行之篤焉能感人若是哉光緒二十有五年重陽前二日謹序

峯柳去思集

姜



公在官於地方利弊無不與革而俗繁庶之區蒸蒸然與歐之規焉人第知明政而歸化而美以爲公之治世有古良吏風而不相索許之熱言治人者景新流澤二十有五年重陽前二日謹序

華亭邑侯劉公德政頌

松郡

紳耆士庶恭頌
沈翔鳳儀庭撰

夫循良之吏炳輝班書穆清之頌肇體姬代誠以銘勳紀績播馥扇芬匪文曷章有功斯述張遷仁政樹碑於蕩陰王璠清德刊頌於昭慶偉哉昔彥麻有隆名其能繼茲歌詠揚聲金石者惟我

華亭邑侯謙山劉公平公稟氣川嶽含文圭璋體上德之萃精裕名儒之爲守范公憂樂情繫民物沂國功名志謝溫飽策金廷而列選縮墨綬而分符雲路旣接驥足斯展東山屬望已起謝安南國循行遂來召伯始宰

峯泖去思集

五

暨陽劇邑旋臨谷水名區巨材千尋錯節而益顯神劍八伏遇津而迺飛華亭海曲繁邦雲間首境事亂而繩非易理政紛而花素難栽公撫以寬仁燭以明察聽訟則團絲詐見賑飢則開廩恩周殷衰濬渠才長於治水呂坤保甲法備於衛民崇墉屹屹而城堞修振旅闐闐而鄉兵練靖南山之狼族肱篋姦除禁東府之雉盧搗金俗革劉寬布政以孝弟爲先卓茂垂教以詩書爲重且也澄波不擾廉泉自甘褚季野氣備肅溫楊伯起吏號清白南陽葦杖未足比其仁穎川時雨罔不被其澤

矣今者葉清奏最瓜代屆期攀轅而欲借寇恂畫像而
願留張詠詩頌留別長輝折桂閣中碑泐去思同列環
碧亭畔蓋以公隆希三代翔洽八風同朱邑之治桐鄉
媿文翁之化蜀郡宜乎芾棠垂蔭詠美風人伐枳興謠
見稱輿頌也於是稽真相實約旨申文作爲頌辭謹紀
德政頌曰

於穆劉公學道愛人德立世範器輝國珍雪絮之性兩
膏之仁出宰雲間斯民是親刑賞不忒教化大普士庶
悅顏姦宄斂武俗成鸛鷺地消豺虎清水映襟惠露沛

峯泖去思集

五八

戶惇惇愚賤煦以春陽雍雍黨序訓以天常城垣鞏固
水利汪洋組練兵精守望法詳神君宵仰衆母共禱君
子萬年間里永保九峰峩峩三泖浩浩使君敷治爲民
之表

純如五鼓挽邪許而謳歌樂只一言綜循良於豈弟芙蓉之城百堞花枝裊其長紅桃李之陰一蹊甘棠溢乎柳碧望同東里傳萬福惠愛之名案及北徐得百姓清德之頌如我

謙山劉侯之受牒茲邑也薛恭換縣任劇益彰孔奮蒞官處脂不潤笠澤銀魚之裹趾我先賢宏道威鳳之儀劭彼前哲庚桑八楚風移畏壘之民子奇治河智決用車之載召父杜母術無替於字人程鄉武平慮交失夫

峯泖去思集

五

良吏固知神明所至仰鏡晞顏滄勝如歸鏤碑在口不必觀其政而三善祿稱可以爲大夫而九能咸備矣夫以山名陸實春滿五茸黯異懷軼肥甯諱壤詢知松故非利嗇而地磽奉此簡書賴人存而政舉維

侯應精

列宿發藻儒林負大節以鱣鱣陋小宰之斷斷雖效圭撮之任驥屈鳳雛聿宣廉平之猷蜚騰鴻漸無官官事檢簡儉緝其州箴以風風入清慎勤勒其庭誥兒寬本經義而讞獄聞學道於絃歌任延以儒術飾吏才劑賞罰爲粉黛故其化馴郊雉明然渚犀教用參五之規法

謝兼複之設銀手如斷訟不消乎領章金心在中制非
藉乎鉤距集五雀六燕之準鑒空衡平戒十羊九牧之
煩解燒釋滯甲眞乙僞從染樗而驗痕文弛武張懼伐
薪而束溼操刀苟運其神量胸握智珠摸鐘卽辨夫盜
名目無眩玉斯當官之稱職乃興利而靡遺通古今得
失之由措施則犁然次序宏哉濟斯民之願雨暘無時
若愆期力田者視西京之科優乎養老善馭者整東野
之策去其敗羣勸桑成著作之林濃陰被畝拔茶易崇
陽之絹美製成機而且懷柔準經達鞮譯象胥之意候

峯泖去思集

卒

遮必謹嚴羅闔狗附之防一時境絕探丸農皆產復推
本孝惟孝種青棠而仁壽同登歌曰于薦于識紫芝之
棐忱彌篤趙幟漢易闢草萊而無蕪魯拆邾聞巡花封
而昇筭粲乎隱隱亶其然矣顧其先必董勅詩書修明
禮樂以育材爲鵠革在泮之鴉橫舍造就乎菁莪蚩氓
默化其稂莠納於軌物故使君之用神粒我烝民覺仁
人之利溥表其殊異兼不朽而得三號爲鄰宗豈課最
之居六冠晉卿於官簿不惟練達實多立杜軫之生祠
宜乎馨香未沫今者政成蒲密惜射洪之還邾居卜松

關欲天台之留鄭執鞭忻慕已瞻馬骨之高錫爵遷除
卽拜螭頭之寵念去思而邁永上陳愷史之辭示來許
以昭茲行啟欒公之社頌如吉甫敢謂揚此清風字愧
華亭聊用伐之貞石詞曰

泖湖融融涖波液液唳鶴之鄉飛鳧之島侯之來兮祺
而奏績侯之去兮瞻望弗及繫侯著族中壘華資然藜
授杖簪杏掇枝典城作表百里牽絲青天奕禩赤繫交
馳自侯下車教養是以亭之毒之洪纖具理綏之立之
風化大起惠姬甘棠達同苦李探原造士端本務農取

峯泖去思集

空

村落實圖匱於豐清不絕俗孝以作忠廉明所暨時和
政通令甲迭效同寅是式漑潤閭閻服蘇翔植鍾離臧
珠委地必斥周禮鈞金束矢不八時艱盤錯景教流行
犬羊疊趺鷲鳥屢鳴斯而輯睦匪恃政刑維侯煦煦廣
隸寶萌綜侯嘉猷揚推辜較名吏名儒壽母壽考龐鴻
緝熙敷我覆幬字駱生男詔我父老侯去胡忽侯德允
臧留延例格舍茲小黃思劉誦起復來順陽引領僂蹈
民不能忘

蓋聞丹陽領職化洽一年期思握符治隆三月史稱循
吏厥有本原墨綬蒞封無較乎肥瘠黔首軫念靡間乎
久速締結民紐宣揚皇風來歌去思德至懋也世風不
古吏治漸替權攝之員類多遷就葵邱受期年之代京
兆存五日之想用是庶事不振萬端俱頽催科之役迫
撫字之職懈求其實力數績殫精奏功羲娥一周聲譽
大起則如我

謙山夫子者洵足稱焉當 夫子之蒞治江陰也歲在

峯泖去思集

三

重光序值季夏深惟入境問俗之義首行陳詩觀風之
典士希肄業南菁書院猥以菲材謬蒙上賞旋舉秋試
再詣澄江執北面之禮造南山之堂時則雍雍絃歌言
偃溯其道脈煌煌禮樂文翁流其教澤低徊哲範沾溉
仁恩蓋被 夫子之教者如是其深也越七年 夫子

奉大府檄調署華亭縣篆前京之域濱海之區實毗古

婁是日附郭惟時士希削迹家術棲神里閭聽臺萊之

歌瞻桑梓而喜聞命之日私與諸父老粗述 夫子所

以治江陰狀僉鼎鼎焉融融焉幸虎負之傳奇盼鳧飛

之速泄及 夫子之既至也慮臯散之發則隊肅乎銀
刀病垣墉之毀則闢修乎鐵牡守望以安比戶則嚴保
甲之條疏淪以溉農田則暢迴流之勢期月之間百廢
具舉非 夫子愛民之意深不以常暫異者而能至於
斯乎抑猶有進者不疑有母雖嚴厲而不殘孔奮居邑
處脂膏而弗潤 夫子養志清潔矢心忠恕內行既純
外治斯茂 士希 禱昧不足以揚盛德惟昔既親前雅化
今又幸依仁宇凡諸卓越略熟見聞祈佛之隱常懷借
寇之私未遂蔚宗有言思我劉君竊以爲鄉人誦也用

峯泖去思集

三

摘弱翰謹當頌聲其辭曰

溟池蘊秀篤生文雄魏科聯綴作吏吳中緬惟 夫子
吹噓仁風才由識練政以誠通始宰澄江暨陽鉅邑文
教首敷武備實急七載功成萬夫歡集銅符倏移鄉氓
嗚咽迨權胥浦甫歷春秋豺牙密厲雉堞增修閭閻記
籍溝澮通流茲其鉅綱細不殫求繫予小子夙蒙陶淑
兩地恩波是沐是浴來兮何遲去兮何速勉攄報恩麥
邱之祝

